

Alderdi Sozialistak lau euskal hautagai izanen ditu eskualde hauteskundeetan

Labarrere zerrendaburuak kargua utziko du hauteskundeen biharamunean

Ezkerreko bertze alderdiekin akordiorik izan nahi ez duenez, Pirinio Atlantikoetako alderdi sozialista bakarrik aurkeztuko da Akitaniako eskualde hauteskundeetara. Lau euskal hautagai izanen dira zerrendan. Andre Labarrere zerrendaburuak hauteskundeak pasatu eta biharamunean, besterik gabe, kargua utziko du, jadanik diputatua baita.

Hur Gorostiaga / Baiona

ALDERDI sozialista bakarrik aurkeztuko da martxoaren 15eko eskualde hauteskundeetan, «komunistek eta berdeek gehiegi» galdegiten zutelako, Andre Labarrere zerrendaburu sozialistak atzo azaldu zuenez. Ezker Askotarikoa deitu zerrenda osatu duten ezkerreko bertze alderdiek hiru leku galdegin zituzten sozialistekin batera aurkezteko, horietarik bi hautatuak izateko tokian.

Baina sozialistek, Frantziako Estatuan joan den ekaineko hauteskundeen ondoren duten mementu gozoaz baliaturik eta beren buruaz segur, bakarrik aurkezteko nahiago izan dute. 1992an lau hautagai ukan bazituzten ere, orain zazpi izatea espero dute Pirinio Atlantikoetan. Gainera, Akitaniako lehen-dakaritza ere ezkererat pasatu dela segur dira.

Zerrendaren aurkezpenak izan zuen ezustekorik. Departamenduaren biarnes aldean sozialistek emaitzarik hoberenak dituztela jakinik, lehen hiru lekuetan biarnesak ageri dira; laugarren tokian, berriz, Frantziako Maitia Izpuraiko auzapez eta eskualde kontseilaria da.



Erdian, Andre Labarrere zerrendaburuak, eta alboetan, Collette Capdevielle eta Francois Maitia, lehen bi euskal hautagaiak.

BOB EDMÉ

Bosgarren, aldiz, Colette Capdevielle baionar abokatua izanen da. Beren kalkuluen arabera, bi euskal hautetsiek ez dute arazorik izan behar hautatuak ateratzeko. «Lau euskal hautagai dira zerrenda osoan, baina bi euskal kontseilari izateko esperantza dugu», azpimarratu zuen Frantziako Maitia.

Hala ere, ulertezin agertzen dena Labarrereren erabakia izan da. Gaur egun diputatu izanik ere, eskualde hauteskundeetan zerrendaburu gisa aurkeztuko da, baina hautatua izan eta biharamunean kargua utziko du, Jospin lehen ministroak karguen pilatzeari buruz egindako gomendioei segituz. Labarrere dioenez, «ez da jokaera hipokrita eta ez dut ulertzen zergatik Bayrouk ez duen berdin egiten».

Haren ustez, alderdi bateko buruak eraman behar du horrelako boz kanpaina.

Euskal Departamenduaren gaiari buruz, aldiz, ez da gai tabu beretako, «argi eta garbi kontra» dagoelako. «1981ean alde nintzen, baina iritzia aldatu dut», dio Labarrere, zerrendaren gibeletan lekuan euskaldun sozialistak erabat alde direla jakinik, gainera. «Ulertzen dut hainbat zerrendakide euskal departamenduari ados izatea, baina huts handia litzateke, ene iritziz». Haren ustez, Hego Euskal Herriko adibidea txarra litzateke euskal departamendua sortuko balitz. «Europa osatzen denean, izugarri kaltegarria litzateke». Euskal departamendua ez baina euskal departamenduaren aldeko borroka uler-

tzen duela adierazi zuen. Colette Capdeviellek adierazi zuenez, berriz, «hilabete bat dugu gure zerrendaburuak geureganatzeko». Alabaina, euskararen eta okzitaniaren ofizializazioaren alde agertu zen. «Donibane- Lohizuneko ikastolarekin batera, Ipar Euskal Herriko lehen ikastola sortu nuen Pauen, eta aspalditik frogatu dut hizkuntz gutxituenatzako atxikimendua».

Honakoa da zerrenda: Andre Labarrere, George Labazee, Rene Ricarrere, François Maitia, Colette Capdevielle, Louis Lucchini, Pauline Neve, Philippe Joachim, Michel Cassou, Claudette Pastouret, Pascal Lopez, Denise Bergez, Marie Helene Errekart, Alain Dujus, Daniele Stoessel-Fillion, Françoise Taupiac eta Andree Pommies-Williart. X

Bilboko Udaleko zenbait langilek urte bi daroate presoei idazten

Hilero talde batek hartzen du Bilboko berriak kondatzeko ardura

Iñaki Uriarte / Bilbo

DUELA urte bi hasi ziren Bilboko eta Administrazioako langileak izandako presoei gutunak idazten, hilean bat. Zeregin horretako bultzatzaileek azaldukoaren arabera, helburua «ez da talaka ematea edo eduki politikoak helaraztea, Bilbon gertatzen diren berriak kondatzea baizik».

Xede horrekin hilean behin pertsona edo talde batek atezainek, area ezberdinetakoei... bere gain hartzen du hiru orriko idazkia betetzeko ardura. Testuak, komunikabide batzuetan argitaratutako berri laburrak, argazkiak, irudiak eta beste bidaltzen dizkiete. Batzuek txisteak eta poesiak ere sartu dituztela diote Labainkada taldekoek. Behin idazkia prestatuta, «hiru orrikoa alde bietatik, ez gehiago eta ez gutxiago, hori da eta zigilu arrunt batek ahalbidertzen duena», fotokopiatu eta 70 bat presori igortzen diete.

Ekimena bultzatzen duen taldeak izen bitxia dauka: Labainkada. «Hasieran, ekimen hau martxan jarri genuen garaian, LABeko talde bat bildu ginen udaleko argitalpen bat egiteko eta zailantza zen LABurrian edo LABainkada jarri aldizkariari. Azkenean lehena aukeratu genuen aldizkariako eta bestea presoei idazteko ekimenerako». X

Lehergailu bat jartzen saiatu dira Tafallako alkatearen dendan

Efe / Tafalla

BI pertsona Tafallako alkatearen dendan lehergailu bat jartzen saiatu ziren ostiral gauean, baina Luis Valero (UPN) alkatearen dendako kanpoaldean zeudela, ingurutik bi gazte zebiltzala ohartu eta bertatik ihes egin behar izan zuten, Guardia Zibilak esan duenez. Lehergailua eta hura eramateko erabilitako motxila bertan utzi zituzten, baina ez zuten lehergailua indarrean jarri.

Lehen ikerketen arabera, lehergailua bi gas bonbona txikiz eta suziri pirotekniko batez osatua zegoen, egurrezko kaxa batean sartuta.

Tafallako Udaleko alderdiek, HB izan ezik, gogor gaitzetsi dute gertaera. Halaber, alkateak azken aldian jaso dituen mehatxuak ere salatu dituzte UPN, PSOE eta EAK ordezkariek. HB gaia aztertu eta bozkatzarakoan abstenitu egin da. X

Universidad del País Vasco
Euskal Herriko Unibertsitatea

ERREKTOREGOA
RECTORADO

[Euskararen jakite maila frogatzeko probetarako deia]

Hurrengo egunetan konboka daitezkeen plaza elebidunak kontuan izanik, eta plaza hauek ahalik eta lasterren bete daitezkeen, euskararen jakite maila frogatzeko probak egingo dira ondorengo jakintza arloetan:

- Ingeniaritza Telematikoa
- Hizkuntzalaritza Orokorra
- Eskualdekako Geografia Analisisa
- Giza Geografia
- Geografia Fisikoa

Deialdiaren oinarriak ondoko guneetako iragarki-tauletan eman dira argitaratuta: Euskara errektoreordetzakoan, Errektoregoa, Leioako campusa (Bizkaia), Gipuzkoako campuseko errektoreordetzan, Tolosa etorbidea, 107 - Donostia eta Arabako campuseko errektoreordetzan Comandante Izarduy, 2 - Vitoria/Gasteiz.

Eskariak aurkezteko epea, kandidatuaren nortasun agiri nazionalaren kopiaekin batera, otsailaren 16tik 20ra (biak barne) izango da eta Unibertsitateko Erregistro Orokorrean (Leioako campusa) edo arestian aipatutako campusetako errektoreordetzetan aurkeztu beharko dira.

Leioan, 1998ko otsailaren 15ean.
EUSKARA ERREKTOREORDEA
Juan Ignacio Pérez Iglesias.

Universidad del País Vasco
Euskal Herriko Unibertsitatea

ERREKTOREGOA
RECTORADO

[25 urtetik gorakoentzako sarrera Azterketaren deialdia]

25 urtetik gorakoentzako sarrera proben azterketak 1998ko otsailaren 21ean egingo dira, goizeko 9:30 orduetan, ondoko ikastegiotan.

Arabian matrikulaturiko ikasleak

Filologia, Geografia eta Historia Fakultatean
Unibertsitateko Pasealekua, 5
01006 Gasteiz

Bizkaian matrikulaturiko ikasleak

Enpresa-ikasketen unibertsitate-erakundeak
Elkano Kalea, 21
48008 Bilbo

Gipuzkoan matrikulaturiko ikasleak

Zuzenbide Fakultatean
M. de Lardizabal Pasealekua, 3
20009 Donostia

Leioan, 1998.eko otsailaren 12an.

AKADEMI ANTOLAKUNTZARAKO ERREKTOREORDEA,
Luis Casis Saenz.